

## Transkription von Stadtbucheintrag SWN 1450b

Ort, Datierung: Schwerin, 1450-12-23

Signatur: Stadtarchiv Schwerin, Ältestes Stadtverlaßbuch, Abt. 11, Nr. 11743, fol. 31a

Inhalt: Hinrick Lutmer: Schuldurkunde; Clawes Moller: Schuldurkunde; Hans Clutze: Schuldurkunde; Hans Bralstorpp: Schuldurkunde; Tideke Berchman: Schuldurkunde; Clawes Moller: Schuldurkunde; Clawes Brandenborch: Schuldurkunde; Blawehouedesche: Schuldurkunde; Hermen Dreyer: Schuldurkunde; Ghereke Myddentweye: Schuldurkunde

Bemerkung: 1450-1451

---

Hinrick Lutmer is schuldich Hans wickendorpe tvelff lub(esche) m(a)rk dar settet / he em vor(e) ene(n) morghe(n) ackers belege(n) by dem(e) grote(n) seue ? den acker mach / wicke(n)dorp messzen<sup>1</sup> vnd(e) syne(n) mesz vtbuwen /<sup>2</sup>

It(em) Clawes Moller is schuldich H(er)men Wiggelande vijff m(a)r(k) dar settet he em / vor(e) syn myddenste vack in syn(er) schune des mach sjck ? H(er)me(n) bruken solange / he syne vijff m(a)rk wedder krighe Sig(na)t(um) vigi(lia) vigile /<sup>3</sup>

It(em) wy beke(n)nen dat Hans Clutze is schuldich dem(e) Rade to zwerin to Bernd witte(n)borg(e) / Herme(n) witte(n)borg(es) soen truwer hand hundert lub(esche) m(a)r(k) dar schal he dem(e) rade van / bernd(e) vorscreue(n) wege(n) alle Jar Sos m(a)rk to renthe alle Jar vppe su(n)te Michaelis dach / Dar settet he vor(e) tobewaringe syn hus myt syn(er) tobehoringe in der erste(n) scriff Sig(na)t(um) / Anno (it cetera) qui(n)quagesimop(ri)mo Sabb(a)to an(te) letare /<sup>4</sup>

It(em) Hans bralstorpp is schuldich syn(er) moder xliiij m(a)r(k) vnd(e) alle<sup>5</sup> halff hussredade alse / hefft an kannen ketel grapen vnd(e) andere(n) bedden<sup>6</sup> clenoden dar settet he er vor(e) tobewari(n)ge / syn hus in der ersten scriff Sig(na)t(um) Ij<sup>o</sup> in p(ro)fes(to) Michael(is) /<sup>7</sup>

It(em) Tideke berchman is schuldich Kalebernde vefftich lub(esche) m(a)rk dar schal he em / vor(e) gheue(n) alle Jar veer mark iij vppe su(n)te Michaelis dage vnd(e) j vppe pasche / Dar settet he em vor(e) syn hus myt syn(er) tobehori(n)ge in der ersten scriff tobewari(n)ge / Mccccij<sup>o</sup> vnd(e) to<sup>8</sup> dat to segghe(n)t schal wesen ey(n) halff Jar to vore(n) van beyde(n) parten /<sup>9</sup>

It(em) Clawes Moller is schuldich Hans fackela(n)ge(n) tey(n) lub(esche) mark dar vor(e) schal he / bruken enes vakes an syn(er) schune(n) de wile he em syne tey(n) m(a)rk nicht wedder ghiff / vnd(e) dat to segghe(n)t schole(n) se hebbe(n) an beyde(n) sijden ey(n) veerndel Jares tovore(n) vt s(upra) /<sup>10</sup>

It(em) Clawes brandenborch is schuldich Clawes Drumen xij lub(esche) m(a)rk dar settet he em / vore tobewaringe ene(n) morghe(n) Ackers belege(n) tendest der lankow(er) heghe vnd(e) schut / vppe de steenbrucke den acker mach drume messen vnd(e) syne(n) mesz vtbuwen Sig(na)t(um) / Mccccij<sup>o</sup> seq(uen)ti die (con)ception(is) /<sup>11</sup>

It(em) Blawehouedesche is in der hundestrategie is schuldich Clawes lutmer(e) xx m(a)rk dar / settet se em vore to bewaringe dre morge(n) Ackers de ene morge(n) schut vppe de lankow(er) / heghe de ander(e) vppem(e) ostorper velde de drudde vppe turow(er) velde Den Acker mach / Claw(es) lutm(er) messen vnd(e) syne(n) mesz vtbuwen vn(de) de Acker is to erem(e) huse belege(n) / Sig(na)t(um) vt p(ro)x(im)e supra / <sup>12</sup>

It(em) H(er)men Dreyer is schuldich To(n)nyes struue(n) viij lub(esche) m(a)rk de schal he em / betalen in den hilge(n)dage(n) to paschen neghestkome(n)de we(re) dat he em de(n)ne de / v[iij] <sup>13</sup> dar settet he em vor(e) ene(n) morge(n) ackers belege(n) by d(er) la(n)kow(er) brugge we(re) dat / he em de(n)ne de viij m(a)rk nicht wedder gheue so mach To(n)nyes den acker seggen / vnd(e) isset dat To(n)nyes den acker messet so mach he syne(n) mesz vtbuwen Sig(na)t(um) / ip(s)o die lucie lj<sup>o</sup> / <sup>14</sup>

It(em) ghe(re)ke dorwarder is schuldich He(n)neke Murren xxij m(a)rk lub(esch) de schal he em betale(n) / nu to Su(n)te Michaelis daghe neghestuolge(n)de dar settet he em vor tobewaringe / syn hus dar he i(n)ne wonet vor syn vorvolge(n)de pant Sig(na)t(um) seq(uen)ti die lucie / <sup>15</sup>

It(em) Ghe(re)ke myddentwey(e) is schuldich brand Hazekoppe xiiij m(a)r(k) vij aw() ? mi() ? dar settet / he em vor(e) ene(n) morge(n) ackers belege(n) a(m)me ghusewinkele den acker mach gh <sup>16</sup> brand / messen vnd(e) synen mesz vtbuwen Sig(natum) lj<sup>o</sup> in vigi(lia) thome / <sup>17</sup>

---

<sup>1</sup> sz auch als ß lesbar

<sup>2</sup> gesamter Abschnitt im Original durchgestrichen

<sup>3</sup> Spätere Zufügung Nota . , 1450-12-23

<sup>4</sup> 1451-04-03

<sup>5</sup> alle nachträglich über der Zeile durch Auslassungszeichen zwischen vnd(e) und halff eingefügt

<sup>6</sup> bedden nachträglich über der zeile durch Auslassungszeichen zwischen andere(n) und cleider(en) eingefügt

<sup>7</sup> 1451-09-28

<sup>8</sup> to im Original gestrichen

<sup>9</sup> gesamter Abschnitt im Original durchgestrichen

<sup>10</sup> 1451-09-28

<sup>11</sup> gesamter Abschnitt im Original durchgestrichen, 1451-12-09

<sup>12</sup> 1451-12-09

<sup>13</sup> we(re) dat he em de(n)ne de / v[iij] im Original gestrichen

<sup>14</sup> 1451-12-13

<sup>15</sup> 1451-12-14

<sup>16</sup> gh im Original gestrichen

<sup>17</sup> 1451-12-20